

宋詩紀事小傳補正

宋詩紀事小傳補正卷三

歸安陸心源伯剛甫纂

卷四十二

錢惟岳 案惟岳曹娥碑詩載會稽掇英總集當是
惟演兄弟行

何麒 字子應青城人建炎元年六月宣敎郎與差

遣先是李綱之謫江甯騏等十七人皆坐累貶

降至是悉復之

要錄六

紹興初右通直郎直祕閣

特賜同進士出身除提點湖南刑獄未上復召

對遂命爲夔州路提點刑獄公事

要錄一百一十四

二年九月試太常少卿十三年四月新除宗正

少卿李文會論其浮薄夸誕出知嘉州

一百四十八

十月復除知邵州連爲李文會所擊上疏懇之

秦檜奏麒所言不實遂落職主管台州崇道觀

道州居住

一百五十

麒富收藏藏有吳道子白衣觀

音韓滉白牛張南本勘書董居安雀躍唐希雅

風竹驚禽巨然四時橫山徐熙梨花折枝崔白

鴛鴦蒲荷李成四幅林石張戡八幅蕃馬

鄧椿畫繼

李忱 與呂本中唱和本中集有與李去言分題得

之字等詩

晁貫之 與呂東萊唱和東萊詩集有送晁季一罷

官西歸諸詩

晁謙之 紹興九年五月以吏部員外郎爲樞密院

檢詳諸房文字

要錄一百二十八

七月爲尙書右司員

外郎

一百三十八

八月權戶部侍郎

一百三十一

十年閏六

月移工部侍郎十一年四月充敷文閣待制提

舉江州太平觀以引疾乞祠也

一百四十

數歲起知

撫州十五年正月以敷文直學士知建康謙之

嘗言崇仁縣民婦產三男足驗生齒蕃息又言

臨川縣禾登九穗足爲瑞應皆乞宣付史館檜

喜故擢用之

一百五十三

十八年以御史余堯弼論

其交通王庶罷

一百五十七

二十四年十一月卒于

信州

一百六十七

呂知止

名欽問字知止官監酒正獻公公著之孫

左司希績之子陳簡齋集有送呂欽問監酒授

代歸詩

陳簡齋詩集注

李遠

字器之毘陵人王十朋榜進士乾道三年七

月除校書郎四年四月除著作佐郎五年十二

月爲福建安撫使參議官

中興館閣錄

毛寶

咸淳臨安志十三政和中僧惠雲又於冷泉

前作小亭郡守毛友命去之見後詩序又守毛
寶文友詩云二寶文蓋友所帶職名非名寶臨
安志郡守題名有毛友無毛寶此厲誤讀臨安
志毛友見三十八卷詩應并入

熊彥詩

江西安仁人宣和六年進士

二百家播芳大全潛

心力學文鳴一時學者稱曲肱先生

江西通志紹興

初以左奉議郎知瑞安縣三年夏四月以浙東

宣諭朱異薦其政蹟詔進一官

要錄六十四

四年九

月以宣議郎守祕書丞彥詩坐王時雍久廢至

是趙鼎引用之

八

十五年二月除祕書省著作佐

郎閏月兼都督府機宜文字

八十六

旋提舉兩浙

東路常平茶鹽公事

七十八

六年正月爲尙書工

部員外郎

九十七

五月移祠部七年五月以左朝

奉大夫除知永州侍御史石公揆論彥詩乃王

時雍愛壻今自京官二年而爲正郎以至典司

祠曹機宜都督府極其要選不知朝廷何以愛

其才獨不念圍城之事乎遂罷

一百一十一

二十五年

以左朝請大夫知鄂州

一百七十

累官至銀青光祿

大夫

通志

賀允中

上蔡人政和八年進士紹興二十七年給

事中兼實錄院編修官寓居臨海

赤城志

李儔

前知和州建炎四年九月金以儔臣劉豫豫

以爲監察御史十一月改元阜昌以儔知單州

要錄三

十六

卷四十三

阮閱

榜名美成元豐八年進士知巢縣爲政豈弟

喜吟詠時號阮絕句累官戶部郎建炎元年知

袁州初至訟牒繁闊乃大書依本分三字印榜

四城郡民化之訟漸稀息乃榜西廳爲無訟堂

後致仕寓居宜春

袁州志

鄭曷

閩縣人紹興二十七年進士歷樞密院編

修官終京西轉運判官

閩志

許顗

案彥周詩話有宣和癸卯予游嵩山之語距

建炎元年僅三年當已入南宋矣又載與惠洪

面論冷齋夜話評李商隱之誤惠洪卽改正冷

齋夜話亦記彥周述李元膺悼亡長短句蓋亦

宗元祐之學者也

秦湛

鐘子少好學善著色山水

畫史彙傳

官宣教郎

詞人

姓氏

蔡向

字瞻明東平人樞密挺之孫提舉浙東常平

遂居臨海自號淨空居士有繪水集藏于家城赤志

唐觀 高安人博學著書隱居不仕蘇樂城監酒稅

與之爲鄰有詩送之

萬姓統譜

程宿 開化人端拱元年進士第一人及第浙江官志

至迪功郎玉山縣令

新安文獻志

唐紹 官知邛州著字說解一百二十卷紹聖以來

用字說程式諸解者甚眾紹集成此書頗注其

用事所出書一時稱之在邛州日奏御

郡齋讀書志四

案晁氏以字說解列陸佃埤雅之前當是北宋

入厲太鴻謂南渡初人恐未然也

卷四十四

康與之

洛師人

廣東志金石略號順菴

書譜

紹興中右承務

郎監尚書六部門十七年爲軍器監丞累官右

承事郎福建路安撫司主管機宜文字二十五年

湯鵬舉奏與之賊濫尤甚除名勒停送欽州編

管

一百七

二十八年坐與土人交爭移雷州編管

一百七

尋移新州牢城詳見宋史補傳

陳棠

餘姚人左迪功郎台州州學教授宣和閒爲

台州工曹參軍左緯贈詩有孝悌人皆勸平反

獄屢空之句累官臨海黃巖二令紹興四年
以左承事郎知台州有政譽官至吏部侍郎赤城志

陳栖筠 明州人紹興二十七年進士

陳述 江南和州人宣和年進士靖康年任廣東轉
運使

薛靖 官縣令

陳彥才 字用中平陽人宣和二年進士通判黃州居官

廉靜紹興中知連江縣

平陽縣志

范正國，純仁第五子，紹興初朝散郎，知臨江軍九年，以吳表臣等舉爲廣西路轉運判官。

王達，濮陽人，天禧三年進士，慶曆元年以祠部員外郎知福州，歷知池州，嘉祐四年知金州，工部郎中，直龍圖閣，提舉兗州景靈宮。

方雲翼，宣和六年進士，朝散大夫。

李端民，定之孫，景淵之子，正民之弟，紹興十一年

黃巖令

赤城志

葉南仲，福州侯官人，宣和三年進士，朝奉郎，知新

州軍

福建志

司馬端衡

名槐

攻槐集跋

夏縣人行六十五其少壯值

徽宗時黨人子孫不得仕進遂放意于畫有顧

陸遺風陸放翁猶及見之

放翁文集

沈樞

紹興十五年進士初調彭澤丞二十七年改

左宣敎郎御史臺主簿二十八年擢監察御史

二十九年行比部員外郎三十年以左奉議郎

提舉福建路常平茶鹽旋以承議郎提點福建

刑獄三十二年除尚書考功郎中乾道六年遷

福建轉運使淳熙己未除太子詹事兼吏部侍

郎二年楊邦彥奏訐丞相葉衡對客有訕上語

援樞爲證歎曰此張說故事也豈可畏禍而有欺心坐分析欺隱旋以中大夫提舉太平興國宮降三官送筠州居住十二年起知温州遷湖南安撫使進寶文閣待制致仕年八十二卒諡憲敏初樞貶筠州時售雙鬟侍行及歸遣之還家猶處子也

湖州志

卷四十六

何耕

號怡菴漢州綿竹人紹興十七年類試奏名

第一賜進士出身以左迪功郎充彭州教授升成都教授孝宗時通判成都府乾道中守雅州

八年知嘉州除潼川府提刑作諭民詩四十一
篇淳熙五年拜倉部員外改戶部郎中兼國史
院編修官升國子祭酒從祕書監丐外知潼川
府十年六月卒年五十六

省齋
文稿

李巢 字推之覃懷人寓家於台官至朝議大夫

鄭昌齡 字夢錫福建甯德人宣和三年進士時秦

檜當國聞其名欲處以美官使客以書諭意昌

齡以詩謝之復以太常寺主簿召不赴

八閩
通志

吳岡 晉江人紹興中教授邵州治學舍以經義指

授諸生

湖南
通志

頓起 元祐進士崇甯中爲教授通判泰州與東坡

友善

萬姓統譜

呂愿中 洛陽人案石刻中作忠紹興甲戌右承議

郎直祕閣知靜江府兼主管廣西經略安撫司

公事

廣西通志金石略

予大鈞

張表臣

單父人張右史集序

李彌正 字似裘宣和三年釋褐

徐作

字開菴

吳都文粹

向高 自幼能作詩句律便不凡叔父宣卿愛之遣

從王瀘溪游瀘溪竄夜郎道出伊山宣卿與高

出三十里流涕而別惜早亡

王盧溪集詩同
豐之詩軸後

張昌

紹興二十一年以右朝散大夫知台州

嘉定
赤城

志

昌初官上元宰靖康初秦會之自御史丐祠

歸建康僦舍以居時當炎暑昌訪之會之語以

此屋爲西日所苦得一涼棚備矣翌日未曉聞

斤斧聲會之起視之則松棚已就詢之匠者云

縣宇方創一棚昨聞侍御言輟以成此會之大

喜泊會之入相昌年踰七十就官簿中減去十

歲擢知楚州把麾持節者又踰十年歸老潛皖

近九十而終詩文甚佳多傳于外

揮塵錄

司馬伋

夏縣人淳熙閒知泉州增修禮殿揭御贊

鏤諸書版

福建通志

乾道二年右朝散郎戶部員外

郎淮西總領

建康志

劉岑

號杼山居士宣和六年進士後遷溧陽累官

至著作郎再使虜建炎元年二月除直祕閣知

鄭州通判興國軍除湖州通判累遷左司員外

郎官至徽猷閣直學士提舉太平興國宮乾道

三年卒年八十一

至正金陵志

李茂之

案忠定四子儀之右奉議郎宗之右宣敎

郎集之右通直郎充福建提點刑獄司幹辦秀

之右宣義郎充福建轉運使幹辦無茂之名俟
考

卷四十七

鄭耕老 字穀叔補懷安主簿母喪服除復居廬二
年調溫州司法改明州教授明人自金人焚蕩
之後學陋敎弛耕老詳爲講說更營學田以爲
鄉飲費士風丕變以薦擢國子監主簿尋添差
福建安撫司機宜文字秩滿徑歸築精廬於邑
之南陂讀周易洪範中庸論語孟子味其精微
皆有訓釋著仁義禮智扶中截流等論卒年六

十有五

八閩通志

田如鼇

南康人宣和六年進士

江西志

紹興中左從

事郎樞密院編修官四年五月以斬南安賊劉

洞天之勞特改京官九月爲監察御史

要錄五十八

年夏四月改爲祠部員外郎七年六月以左宣

教郎主管亳州明道宮

一百一十一

累知道州直祕閣

京西轉運副使

明一統志

卷四十八

胡叔豹

紹興十一年撰溫江縣龍興寺記

晁公休

任城人官漢陰令王彥鎮荊州斂民倍常

屬縣莫敢抗公休獨不從其令彥召至州欲殺之公休不爲屈彥亦勿能害也

要錄三十四

晁公武 乾道四年以敷文閣待制爲四川安撫制置使時告饑公武以錢三萬貫糴米六萬石充

賑糴民甚賴之

四川通志

晁公遡 累官迪功郎梁山縣尉施州通判涪州軍

事判官乾道二年知眉州終於提點刑獄

嵩山集

曾協 字同季文昭公肇之孫始家湖州之德清以

蔭仕爲長興縣丞遷嵎縣丞擢鎮江府通判乾

道九年權知永州卒官至正奉大夫

湖州府志

康執權

字平仲

四六談塵

開封人上舍釋褐靖康末國

子祭酒

鴻慶居士集海陵集

鴻臚卿

要錄卷二

高宗立召爲起

居郎建炎初當宗開封制云想望夷門未泯勿

勿之佳氣顧瞻淮甸安能鬱鬱而久居

四六談塵

累

官給事中試中書舍人權工部侍郎兼同修國

史吏部侍郎顯謨閣學士奉祠十八年請老詔

進一官致仕二十七年落致仕知泉州尋以年

老除龍圖直學士提舉江州太平興國宮

繫年要錄

姚述堯

字進道華亭人以錢塘籍登紹興二十四

年進士知温州樂清縣

儀顧堂題跋

顧發 紹興二十一年進士

卷四十九

聞人武子 號蓬池先生寓居丹徒之丁角所作詩

文號蓬池編曾慥掇入百家詩選

嘉定鎮江志

紹興

三年二月特補從政郎孟庾之使關中也武子

以箋奏從軍至是得官

要錄六十三

旋授淮東宣撫

司幹辦公事十二月以右從政郎特改京官

十七

葉采 其先括蒼人徙居建陽父味道師事朱子采

從蔡淵李方子學淳祐元年進士知邵武軍修

本軍志祀朱子於學累官翰林侍講

福建通志

陳光道

嘉祐四年進士

江西通志

朱明之

字昌叔

王廣陵集

江都人皇祐己丑進士

揚州府志

王安石妹壻也王令有送明之赴宰山陽詩官

著作佐郎進崇文院校書

長編二百十九

熙寧四年兼

太子中允集賢校理崇政殿說書兼管國子監

明之固辭改故宮

二百

十五年爲樞密院檢詳兵

房文字

二百三十三

六年爲館閣校勘

二百四十二

九年

以太常博士館閣校勘權判刑部出知秀州

二百

七十八

元豐六年坐前爲兩浙監司不發知秀州

吳安世賊罰銅十觔

三百五十五

蔡雋

福建志作雋

興化軍莆田人開禧元年進士

周仲卿

字次和浙江甯海人慶元五年進士咸淳

年任蘇州府儒學終提轄左藏庫

赤城志姑蘇志

俞似

紹興初起復從議郎閤門祇候廣西經略司

走馬承受公事三年十一月罷以似移文列郡

引崇甯詔旨不隸屬帥司又欲與通判敘官爲

諸司所劾故也

要錄

十五年七月副錢周材爲

賀金正旦使

一百五十四

俞疇

嘉定四年進士充曾姪孫四明人貫湖州

柴中守

字蒙堂餘干人南溪之弟

宋元學案

許尹

樂平人政和進士歷知興化永柳處邛五州

有善政高宗時攝蜀帥甚得人心進司農卿總

川賦不忍重賸民力以便宜積財粟孝宗卽位

尹奏乞延儒臣講求治道尋以敷文閣學士致

仕有文集數十卷

江西通志

楊咸亨

四川綦江人隆興元年進士

沈長卿

號審齋居士建炎二年進士累官臨安府

觀察推官二年召試館職旋除左儒林郎婺州

州學教授五年除祕書省正字十八年進左奉

議郎官至左朝奉郎主管台州崇道觀三十年
卒于保州著有西漢總類二十六卷春秋比事

二十卷

湖州府志

柴援 江西餘干人崇甯二年進士

史幹 四川眉州人紹興中進士

卷五十

劉棐 宋城人建炎四年九月自尙書禮部員外郎

爲起居郎旋以祕閣修撰出守以御史中丞富

直柔論其宿負也

要錄三十七

紹興二年爲右司員

外郎郎中充修政局檢討官

五十六

八月行右司

諫五十七九月論罷張翥潘特竦鄭樸樸特竦皆

秦檜所引故并斥之

五十八

十月河南府助教杜

諤嘗集春秋傳業請付之學官從之又論刑部

侍郎王衣於刑名屢有出入又嘗舉張汝舟每

懷憤恨衣罷

五十九

十一月充集賢殿修撰知台

州六十

劉望之

字夷叔合江人紹興二十一年進士沈該

薦爲學官遷秘書省正字著有觀堂集

宋板二百家播

芳文粹姓氏

參鄉縣志

白麟

寓居敘州

輿地紀勝

任續 四川潼川人紹興甲戌左承直郎澧州州學

教授

廣西通志金石畧

蘇簡

轍之孫紹興元年朝奉郎監都進奏院

要錄四十

二年正月與大理寺丞李處度並送吏部限

三日出國門

十五

左鄴

台州人譽弟

赤城志

邵博

洛陽人博弟屢官右朝奉大夫主管襲慶府

仙源縣太極境居健爲紹興八年以趙鼎薦賜

同進士出身除祕書校書郎三月兼實錄院檢

討官九年五月出知果州旋以左朝散大夫知

眉州爲成都府轉運副使吳炯所劾捕博置成都司理獄提點刑獄周綰知其寃亟詣獄疏決博乃得出坐以酒餽游客及用官紙降三官授左朝奉郎二十八年卒于犍爲縣見宋史補傳

張子文

西秦人俊之子紹興中朝議大夫知漳州

劉才邵黟溪集有與張子文交代啟

卷五十一

張堅

綱之子

要錄

字仲固郊恩補承務郎再中紹興

甲戌進士監臨安府新城稅楚州鹽場鎮江權貨務改國子監簿除將作監丞通判常州提舉

福建市舶進直寶文閣知泉州以目眚丐祠除

江南轉運判官尋帥興元除戶部郎中四川總

領視事甫旬日卒

京口耆舊傳

紹興二十八年十二

月時爲左奉議郎乞以大禮所得妻封號回授

所生母李氏

要錄一百八十一

吳已正

紹興廿七年進士官永州教授

浙江通志進士表

何德獻

名侑字德獻龍泉人以蔭調福州古田簿

改於潛縣以治最聞遷廬州通判知黃州盜無

所容張浚奏侑有戡亂才除廣西經略

兩浙名賢錄

趙十朋

名占龜字十朋與石公弼李光爲內外兄

弟二人貴無一字相通家有軒面植雙桂人稱

爲雙桂隱士

溫州志

唐立夫 案唐文若字立夫見四十五卷誤分爲二
喻良能 字叔奇官太常丞

向豐之 案豐之向瀉字已見四十六卷誤分爲二
向后裔三字尤費解

胡澄 浮梁人涓之弟政和八年進士甯宗時知處

州

浙江通志

紹之

江西志作照之

紹興二十九年解試三十年進士

爲善化尉司教宜陽遷宿松令所至士民皆愛

敬之

樂平縣志

謝處厚

四川營山人端平二年進士

林宋偉

字力叟福建永福縣人在太學時袁公燮

無罪而與羣小同被孽言去國士論不平宋偉

送袁詩云韓非老子俱同傳乞與時人子細看

詩出名震輦下擢嘉定十六年進士累佐浙幕

禦金人有功後守荆湖北路轉運判官督兵討

沅溪削平搖洞三十一所移吉倅遷提點廣南

東路刑獄自稱橘園居士

福建通志

劉度

字汝一長興人自爲布衣修潔博習葉夢得

汪藻皆以賢良方正薦紹興十五年進士除從事郎楚州州學教授二十八年入爲太學博士二十九年除祕書省正字旋擢校書郎升都官員外郎三十一年以汪澈薦改監察御史遷右正言三十二年轉左正言隆興元年改權工部侍郎度辭改知建甯府明年罷有傳言鑑古五十篇雜文三十卷

湖州府志

陳良祐

字天與金華人紹興進士

宏簡錄

二十六年

以左迪功郎新興國軍司戶參軍爲太學錄

要錄

一百七十四

三十一年自御史臺檢法官爲監察御史

史三十二年守司封員外郎

一百九十四

歷起居郎

左司諫言會子之弊願捐內帑以紓細民之急
上慨然從其言累遷吏部尙書朝議遣范成大
使金請陵寢地良祐論不當遣恐生邊衅忤旨

貶端州居住尋移信州

宏簡錄

陸升之

字仲高

玉照新志

紹興十八年進士

會稽志

十九

年以左奉議郎新除淮西提點刑獄司幹辦公
事旋充諸王宮大小學教授

要錄一百六十一

二十二

年知大宗正丞先是李光在貶所常作私史其
子孟堅間爲升之言之升之許其事故秦檜用

之十一百六
二十五年以左朝奉郎提舉兩浙路

市舶旋以告訐親戚李孟堅刑部具狀雷州編

管一百六
晚坐秦黨遂廢于家嘗與王明清語

宣和名倡秦妙觀事淚落盈襟蓋自愴其不偶

時相似耳

玉照新志

卷五十二

張積 字默夫成都人

李流謙 以父良臣蔭補將仕郎授成都府雪泉尉

調雅州教授以虞允文薦除諸王府大小學教

授改奉議郎通判潼川府著有澹齋集

澹齋集

樊漢廣 江源人知青陽縣寬大長者兼有能名左

朝散郎通判眉州居家孝友當官廉勤可以爲

奉法循理之吏

汪文定集

范致能以上皇慶壽赦與

孫松壽並薦于朝有旨召赴行在二人固辭蜀人高之何耕道夫賦賢哉二大夫詩尋卒

呂凝之 眉州人紹興進士祖陶父緣嗣兄商隱宜

之凝之以才爲茶馬使者陳公

宣撫

沈公

復見知

茂州

除闔州入對

費著氏族譜

上易書四

十卷上問輔臣周必大奏曰此本邵雍之學蜀人張行成推衍之凝之必講學於行成上曰行

成所著頗略必大曰凝之配年以卦爻所以加
密時淳熙八年八月也玉海遂受知孝廟留爲太
府寺丞凝之與兄商隱同自眉州彭山遷成都
氏族譜

呂商隱

祖陶元祐名臣商隱登第雖晚以四川類

省第一與素望合胡公元直鎮蜀薦之禮部侍

郎李燾舉以自代召入爲國子監博士國史院

編修官遷宗正丞兼史院如初乞歸除守崇慶

卒

全蜀藝文志四十三

常與周輔同編三蘇遺文

渭南文集

呂宜之

眉州人紹興進士宜之登第最早所至有

治聲而坎壈率多異除通判彭州改辟通判茂
州移黎州丁母憂辟通判戎州除知簡州通判
綿州簡州罷非其罪復積二年迭閒兄弟喪卒
于綿兄弟皆不得中壽氏族譜

楊杞

政和二年進士官宣州簽判

徐珩

一作衍

福建甯化人隆興元年特奏名知信州

上饒縣

陳元老

福建閩縣人紹興元年進士歷吏部員外

郎知漳州泉州終朝奉大夫

李嘉謀

四川雙流人第進士宗正丞

閻邱泳 知高安縣

母邱恪

四川志誤作拾

字厚卿四川南部人紹興中進士

慶元中爲夔州路帥

朝野雜記

黃人傑 乾道二年進士

卷五十三

張抑

晉陵人文靖公守之孫

周益公集張文靖集序

淳熙十

年官大理寺丞

省齋文集書文路公帖

嘉泰二年三月以

敷文閣學士除知平江府三年三月除寶文閣

學士宮觀

姑蘇志

陳翊

泉州晉江人開禧元年進士

黃然

庭堅孫紹興二十二年官軍器監面對論沿

江一帶稅務比來非理邀取商旅患之于是號

斬之斬陽江之湖口池之雁汊爲大小法場咸

謂利歸公家無幾而吏竊取大半矣望令州縣

檢察漕臣考察從之

要錄一百六十三

二十三年正月

論福建江浙販牛屠賣十百爲羣乞重立賞格

許人告捕

一百六十四

二十四年七月自吏部員外

郎出爲兩浙轉運判官

一百六十五

知台州日嘗買

田養士

赤城志

楊甲

字嗣清四川遂甯人乾道二年對策言恢復

之志不堅者二事上覽對不悅置第五賜文林
郎清議推之初試邑有部使者頗以繡衣自驕
怒其不降意誣劾以罪趙衛公爲白于當道劾

牘竟不下弟輔宋史有傳

岳柯
程史

蕭之敏 字敏中江西都昌人紹興十二年進士乾
道閒知建陽縣下車首崇學校以邑中先賢陳
洙陳師錫游酢皆有學行立三賢祠祀之召爲
監察御史累官國子祭酒直祕閣江東提刑吏
部侍郎湖南轉運副使終祕閣修撰卒時貧甚
建人聞之咨嗟惻愴請於後令合祀三賢祠名

之曰四賢祠周必大銘其墓

王時會 字季嘉時敘之弟與兄同年進士自迪功
郎七遷至湖南運管賜緋魚袋嘗知會稽值歲
霖潦郡方督已蠲之賦甚急時會持不可不聽
乃袖告身易服立庭中守爲奪氣民賴以舒會
營永阜陵吏抱文檄如林環案立時會省去其
十之七餘不可已者召民給錢粟與期民不役
而事悉集所至皆可稱述少銳意經學有易詩
書論語訓傳鄉飲酒辨疑凡數十百卷文辭簡
古尤喜爲詩有泰菴存藁三十卷

鄞縣志

陳蒙

字伯求慶元府鄞人父墳宋史有傳蒙年十

八上書萬餘言論國事吳子良奇之妻以女爲
太府寺主簿國學正輕財好義入對極言賈似
道爲相時國政闕失爲淮東總領似道誣以貪
污貶建昌軍簿錄其家惟青瑣耳咸淳閒守衢
州請于朝立趙抃祠蒙善筆札治獄多探奇晚
守温州德祐初禮部侍郎李珣乞以刑部侍郎

召不赴卒

鄞縣志

王甯

字德和三魁鄉薦乾道丙戌進士終中奉大

夫直徽猷閣逮事三朝凡所敷歷綽有休聞著

有笑菴集十卷

萬姓統譜

卷五十四

丁逢

字端叔爲激賞所幹官除國子監書庫官遷

天府倅知安豐盱眙二軍皆有政績由潼川漕

除川秦茶馬凡供帳公費悉蠲去人服其廉終

寶謨閣待制

咸淳臨安志

林淳

福州永福人隆興元年進士潮陽尉

滕珂

嘉定元年知華亭縣任廣西永福令十年任

廣東南雄州僉判朝奉郎知新州軍

廣東志

滕膺

乾道八年右奉議郎戶部員外郎總領淮南

軍馬錢糧尋改直祕閣湖北轉運使累官江淮

轉運使提點廣西刑獄

景定建康志廣西通志

單夔

乾道八年七月除戶部員外郎淮西總領州

志

淳熙五年九月以朝奉大夫充徽猷閣待制

知蘇州六年三月提舉太平興國宮

姑蘇志

詹駉

字晉卿遂安人官至龍圖閣學士知甯國府

見統譜

白巽

四川志誤作選

四川成都人乾道五年進士

卷五十五

楊濟

四川遂甯人

閻蒼舒 字惠夫紹興二十七年進士第二名御批

對策云直言無隱授夔州府學教授累遷中書

舍人出知晉州

夔州府志

淳熙五年七月以右司員

外郎兼國史院編修官是月爲左司員外郎六

年爲宗正少卿

要錄

三月以權吏部侍郎兼同修

國史八年二月爲真仍兼官至荊州安撫使

荆志

莫若拙 字子才

朱師古

眉州人

史載之方

紹興二十四年進士官直龍

圖閣知潼州

范石湖集

李流謙澹齋集有送朱師古

知雒縣詩

句昌泰 登第爲四川類省第一嘗除太學博士後

徙將作丞又丞太府兼戶曹郎提舉浙東常平

移浙西罷歸起知利州除夔帥卒

氏族譜

俞應奎 昌化人咸淳元年進士

謝牧 福州長溪人淳熙八年進士

馮端榮 字景莊福州福清人寶慶二年進士淳祐

間以宣敎郎知崇安縣以平易清慎爲治縣民

祀之於三賢祠

福建志

李持國 名扶一作秩字持國建州松溪人紹興十

五年進士調興國軍永興丞其同軍大冶縣爲
兵火所蕩被檄攝其縣事招撫流散安集田里

百姓晏然改知臨安府富陽縣轉廣南西路經
略司主管機宜文字以薦知梧州軍州事

福建志

劉季裴 長溪人紹興十八年進士歷祕書丞監察

御史終朝散郎祕閣修撰

福建通志

李獻可 嘉定十二年領鄉薦理宗時任兩浙提舉

茶鹽司

王正己 字正之曾祖說字應求祖權字元圭父勳
字上達提舉廣南市舶以廉稱勳與妻薛氏俱

沒官所羣胡念其清苦哀金錢二百萬爲贖正

己不受以叔祖珩恩

太鴻謂珩之子誤

爲豐城主簿連

帥張澄俾對易理曹時相姻黨王鈇家豫章冢

舍亡瑞香花與一富民有憾因誣之帥諷理曹

文致其罪正己直之忤帥意稱疾尋醫以歸孝

宗聞之旣踐阼詔以不畏強禦節概可嘉自秦

州海陵縣召對改合入官洎熙初訪求廉吏參

政葉衡舉正己辭賻事以聞召對上語輔臣曰

王正己望之儼然卽之甚溫史忠定王浩再相

論朋黨事上曰葉衡旣去人以王正己爲其黨

朕固留之雖衡所引其人自賢則知朕不以朋黨待臣下也正己凡四典郡六爲部使者終太府卿祕閣修撰致仕年七十八卒高宗山陵竣事常進聖德孝感記上曰卿文似韓愈已宣付史館有文集二十卷

寶慶四明志

卷五十六

王漑

江南石埭人紹興年進士

江南志

紹興五年十

一月以朝散大夫直祕閣知蘇州攄熙中知南

康軍

江西志

慶元二年二月遷兩浙路轉運副使

姑蘇志

累官大府少卿兼知臨安府權工兵兩部

侍郎

臨安志

葛鄂

乾道八年以奉議郎知江甯縣

景定建康志

林升

福建古田人紹定五年特奏名

何坦

字少平淳熙五年進士歷官靖州江陵州教

授知將樂縣擢知連州所至以善治聞累遷寶謨閣學士廣東提刑廉平爲嶺南之冠卒諡文定所著有西疇常言見百川學海

卷五十七

王彥和

號盟鷗先生年八十餘貧甚病卧馬頭村

啼號之聲相聞楊冠卿爲作疏丐于朋從

客亭類稿

楊炎正 慶元二年進士官安撫使

江西詩徵

時澗 字子澗蘭溪人淳熙辛丑進士累官温州天

富南監押袋官臨安府教授知甯國縣朝散郎

通判袁州台州呂東萊輯書說自秦誓汴洛誥

未畢澗補完之著有南堂集

金華賢達傳

沈約之 名端節字約之吳興人寓居溧陽令蕪湖

知衡州提舉江東茶鹽淳熙閒官至朝散大夫

著有克齋詞一卷

湖州府志

方孝能 福州莆田人官提舉與鄭伯玉陳琪稱爲

三賢

莆田比事

應廓 建州甌甯人崇甯二年進士

劉鄂 江西泰和人嘗應詔上書萬言論時事又作

邊防龜鑑七十卷太守王佐薦之朝得旨免解

歲大旱嘗減價糴以利人赴人之急勇於必爲

江西志

楊輔世 吉水人與兄子萬里齊名紹興二十年解

試二十四年進士知麻陽縣有達齋文集

江西志

游開 操季子同上舍出身從朱子游編集中庸

建甯志

詹義 字持國縉雲人善辭章元祐閒馳聲太學紹

興元年進士累遷給事中徽猷閣學士以才識

聞

萬姓統譜

馮多福 字季求

陳伯震 字震之長樂人襄八世孫紹熙五年進士

累官龍圖閣學士廣東轉運使

三山志

朱縉 字景昭閩縣人嘉定七年進士

三山志

陳瑄 字宏父閩縣人襄之六世孫嘉定十六年進

士

三山志

吳豐 泉州晉江人紹熙元年進士奉議郎嘉定五

年知保昌縣

三山志

孔夢斗

浙江平陽人舉經明行修景定三年進士

通判慶元

倪屋

字泰定錢唐人

建康志

寶祐六年以朝散大夫

幹辦諸司審計司除大府丞十一月除戶部郎

官總領淮西軍馬錢糧兼江東轉運判官

建康志

十二鳳凰臺記

十二月行尚書戶部員外郎開慶元年

以左曹郎中繫銜兼權建康府沿江大使留司

事務兼茶鹽所九月離任

建康志

補遺

卷五十一

劉鎮

樂清人嘉定中知長溪縣官至隆興通判江

通志福甯府志

卷五十一

吳璋

字南武光澤人知韶州蠻夷悉化

邵武府志

男樹藩校字

宋詩紀事小傳補正卷四

歸安陸心源伯剛甫篋

卷五十九

呂祖昇 淳祐八年迪功郎江東安撫使幹辦公事

景定建
康志

蘇石 所錄兩句乃蘇洞字召叟哭姜夔詩四首之
末章也明刻硯北雜志引之誤召爲石又脫叟
字厲書蓋承硯北雜志之訛

林鏐 福州人知潮州多惠政

通志

沈繼祖 字述之興國軍永興人乾道五年進士知

當陽縣平菴悔稿有送沈述之知當陽縣詩

鄭郎夢

字夢授乾道中靜江府司法參軍

江西通志金石

略

淳熙己未雨血于融州鄭夢爲教授見而言

之

嶺外代荅

張達明

官至右丞

姑蘇志

卷六十

趙靡

字仲和父密張孝祥榜進士紹興二十六年

監車輅院充勅令所刪定官二十七年主管官

告院歷司農寺主簿宗正丞駕部員外郎

繫年要錄

淳熙二年守肇慶府

李丙 福建光澤人以父階死蔭入官任漳州司法

參軍著有丁未集二百卷

讀書志

朱鼎

江西志作鼎

江西安福人嘉定十五年解試

陳炳 乾道二年進士嘗守道不仕陳亮稱其文學

一世不足當其意

敬鄉錄

吳伯凱 江南華亭人乾道二年進士

一作嘉禾人

鮑埜

浙江志作懋

浙江永嘉人淳熙八年進士建平令

蔣廷玉

浙江志作連玉

浙江永嘉人嘉熙二年進士官司

戶

朱嘗

江西志作言

江西南城人紹興十八年進士

朱渙 浙江瑞安人紹興五年進士教授

又福州永福人乾道二年進士

李謙 號和卿江西贛州人樸從孫少承家學淳熙年

進士爲安福縣尉累官太常寺丞提舉浙東值
歲饑賑濟有方遷左司郎中再遷左司諫光甯
閒上封事義氣激烈趙汝愚讀之曰臺諫手也
呂祖謙以直節被竄謙贈以詩因忤韓侂冑罷
歸築圃雲峯以居有文集四十卷

江西志

歐陽光祖 字慶嗣崇安人九歲能文時人目爲童
瑞從劉子翬朱子學子翬甚稱重之朱子亦遣

三子師事焉乾道八年再舉登第趙汝愚張栻
列薦于朝方欲召用而汝愚去國後爲江西轉
運判官致仕

江西志

趙民則 名像之字民則高安人紹興年進士授臨
川司戶校藝廬陵得周益公楊誠齋爲門生仕
至軍器少監民則爲詩平淡簡遠雖持節秉麾
而家猶貧焉

萬姓統譜

江朝宗 名漢朝宗字也常山人博學能文尤長歌
行倅密州時秦檜爲郡博士掌牋表朝宗每指
摘竄定後至行在高宗欲用之適檜爲相以祠

祿遣歸

常山縣志

又名朝宗字平仲臨海人嘉定十三年進士

楊冠 江南武進人慶元年進士

李大方 江西永豐人大觀三年進士

卷六十一

章樵 字升道著有古文苑二十卷集曾子十八篇

注春秋繁露十卷

汪立中 字強仲鄞縣人大猷子嘉定七年進士慶

元元年監台州在城商稅六年爲武義丞荆門

簽判開禧二年知華亭縣後爲大府少卿寶慶

二年以直寶謨閣知徽州卒

鄞縣志

卷六

趙東野

名時習休官隱居與戴復古唱和

石屏集

李義山

字伯高江西豐城人授大宗正丞兼金部

郎輪對言爲善不可有疑心去惡不可有悔心

由是出知吉州後以湖南提刑攝漕帥斬妖覲

譚法祖歷階中正大夫著有後林遺稿

江西通志

陸垕

爲華亭主簿嘉定七年孟夏大旱知縣事李

伯壽命垕至澱山禱雨檀木始然水立濤飛傍

睨辟易垕自若雨注三日歲大有秋九年建公

餘風月亭於主簿廳後

鄞縣志

錢厚 臨安人慶元二年進士

王益祥 字謙叔淳熙十一年進士歷桂陽軍建康

府教授遷樞密院編修官崇政殿說書出知甯

國府改處州時嚴僞學之禁乞祠歸尋起提

江南東路刑獄

閩志

陳堦 莆田人俊卿兄正卿之孫宇之子補蔭福清

主簿非俊卿後也

卷之十

劉炎 邵武人乾道四年解試

一作江西人

史文卿

字景炎儀觀清明無綺紈之習爲紹興判

知處州

袁柄煮鹽圖序

黃洪

建州建安人嘉定十六年進士

余良弼

字巖起建炎二年進士累遷樞密院計議

官通判漳泉二州參政陳康伯薦其才召爲將
作監丞改廣西轉運使遷提點刑獄除知靜江
府兼廣東經略安撫使撫諸洞殲羣盜治效尤
著予祠歸已而除祕閣致仕卒

卷六十四

鄭斯立

福州懷安人嘉定元年進士漳浦尉

胡炎 江西泰和人開禧二年解試

董太初 名樸字太初順德人宋亡入元以薦爲陝

西知法官尋召爲太史院主事辭不赴皇慶初

年踰八十以翰林修撰致仕卒年八十五家近

龍岡學者稱龍岡先生

宋元學案

鄭會

字文謙貴溪人少游朱晦菴陸象山之門嘉

定四年進士官禮部侍郎爲史彌遠所忌引疾

歸卒謚文莊有亦山集

江西詩徵

薛師傅

揚祖子官縣尉

陸壑

景定五年中大夫集英殿

修撰江南東

路計度轉運副使兼淮西總領

景定建康志

章謙亨

字牧叔嘉熙二年除直祕閣浙東提刑兼

知衢州風采爲一時所稱

浩然齋筆談

卷六十五

錢樞

字誠甫時子學于楊慈湖

宋元學案

蔡公亮

福建崇安人寶祐元年進士

杜耒

官主簿與戴復古唱和

卷六十六

李彭老

德清人與弟萊老號龜溪二隱著有篋房

詞

王時彥 四川仁壽人紹興中進士

朱渙 江西廬陵人嘉定九年解試十年進士文天

祥受業師任大理寺丞知衡州

章康

字雪崖

詩苑衆芳

案章康已見六十三此分一人

爲二

卷六十七

唐元齡 寶祐元年進士

黃昇 閩人著有散花菴詞一卷又輯花菴詞選十

卷行世

卷六十八

李顯卿 名庭字顯卿號寓菴官安西府諮議工詩

語意格律俱妙有唐體

庶齋老學叢談

陳天錫 浙江平陽人咸淳年進士

吳珩 福建南劍州人淳祐十年進士

黃文雷 案浩然齋雅談作永嘉人

陳伯山 興化軍莆田人紹興十八年進士

程以南 號斗山字南仲休甯千秋鄉人有詩集

杜東 福建邵武軍人嘉定七年進士

何宋英 和州人紹興中以布衣上書數萬言論虜

必踰盟宜先事爲備與其坐困一隅不若進幸

建康以壯國勢

統譜

陳俞 福州閩縣人嘉泰二年進士太常博士

李時 江西廬陵人崇甯元年解試

陳珍 福州懷安人寶祐元年進士

金子潛 名文剛字子潛安節孫用遺恩補將仕郎

歷知奉新縣通判興國軍監左藏及封樁庫出

知臨江軍常德府遷太府丞浙西提舉將作監

進直龍圖年七十一卒階止朝奉大夫

新安文獻志

徐寶之 江西廬陵人寶慶元年解試

楊潛 浙江義烏人乾道八年進士

李堅

廣東番禺庶職宣教郎

張濡

字澤民岐陽人

東林山志

循王俊之後德祐元年

爲浙西安撫使計議官三月元伯顏入建康濡
戍獨松關執元國信使禮部尙書廉希賢殺工
部侍郎嚴忠希賢至臨安創重死濡以功知廣
德軍十月元兵三道並進濡率衆戰上柏鎮死者
二千人伯顏憤濡殺其使使高興從閒道奪關
追至武康濡被禽伯顏殺之籍其家見宋史瀛
國公紀元史世祖紀伯顏傳阿剌罕高興傳

黃文度 福建永福人紹興二十七年進士

李機 字商卿號棲碧山人南豐人以詩名江湖閒

年八十餘卒

江西詩徵

史繩祖 累官祕監朝請大夫直煥章閣主管成都

府玉局觀著有孝經解一卷

提要

黃登 福建侯官人嘉定四年進士邵武軍教授知

仙游縣遷南劍州通判

黃師參 福建閩清人嘉定十三年進士國子學正

南劍州添差通判

周承勛

江南志作勛

江南廣德人紹興元年進士

江南志

淳熙年知崑山縣政平訟簡民尤感悅

崑山志

有清閣集

廣德志

鄧林

字楚材新淦人寶祐四年進士

江西詩徵

鄭燭

興化軍莆田人紹熙四年進士

王默

福建福州人開禧元年特奏名

徐珏

字叔寶江西上饒人寶祐間餘干令每決疑

獄人稱神明

江西志

蕭汎之

名澥字汎之自號金精山民有竹外蛩吟

江西後集

案金精山在贛州甯都縣道經三十五福

地也則澥必甯都人又案廖瑀甯都人亦稱金

精山人

吳陵 江西臨川人嘉定十年進士

吳明老 剛介有志操詩文雅饒意氣小園解后錄

多採輯之著有文集四十卷

建甯志

謝堯仁 字夢得邵武建甯人淳熙元年以宏辭薦

後徙家南豐之市山以終學者稱嶺菴先生著

有鹿峯集嶺菴集

江西詩徵

徐安國 浙江富陽人乾道二年進士受業于呂祖

謙六年知華亭縣紹熙中知廣西橫州以寬民

甯盜爲心善吟詠慶元二年任廣東提舉常平

廣西通志
浙江通志

王堅 安節父守合州有功爲賈似道所忌出知和
州鬱鬱而死宋史四百五十附安節傳

孫抗 字和叔江南黟縣人天聖五年同學究出身
再舉進士甲科遷大理丞知常州晉陵縣移知
潯州通判耀州慶厯二年擢監察御史仕至廣
西轉運使皇祐三年卒年五十四官至尙書都
官郎中散官至朝奉郎勳至上騎都尉爲文至
百卷而詩爲多

王臨川集
孫公墓志

卷七十一

張渠 寶祐中江南制置使主管機宜文字歷制置使參議官

朱承祖

任漳州軍事推官

漳州府志

蔣夢炎

廣西全州人淳祐十年進士

呂防

字大防龍游人熙甯六年進士累官至中大

夫知饒州府

富嚴

青田人其祖居吳而葬因占籍焉大中祥符

四年進士慶歷初由三司戶部判官除刑部郎

中知蘇州嘉祐中以祕書監再守蘇秩滿告老

姑蘇志

丁才 嘉定四年進士

吳吉甫 名嘉字吉甫臨海人嘉定十六年進士

何淇 咸淳四年進士從仕郎

車瑾

究心理學隱居馬家山

宋元學案

朱輔 字季公翌之次子官某州通判著溪蠻叢笑

溪蠻叢笑慶元乙卯葉錢序

卷七十二

張堯同 崇甯以後人

黃伯厚 名載字伯厚號玉泉南豐人大受子深春
秋左氏之學以詩名嘉熙淳祐間丞相鄭清之

力引之知封州以廉謹稱仕至廣東兵鈴卒有

蜡社歌餘

江西詩徵

劉允升 名階以字行建州布衣聞岳武穆被逮詣

闕上書訟其冤秦檜大怒下棘寺論死

萬姓統譜

又名彥登字允升江西永新人由舍選登進士

後提兵討虔寇郡境以安厯官三十年終朝請

大夫知漢陽軍所著有竹溪集

江西志

羅竹谷 羅必元見卷六十一號竹谷見建康志誤

分爲二

羅大經 寶祐二年進士

呂炎 泉州晉江人 淳熙五年進士

又四川眉州人 寶慶二年進士

陳東之 廣東連州人 端平二年進士 南雄通判

吳濟 南劍州將樂人 咸平五年進士 沂州守

丁先民 福建甌甯人 元符三年進士 宣和元年知

惠安縣

張簡 四川晉原人 紹興中進士

又四川遂甯人 嘉定元年進士

徐存 字誠叟 江山人 受業於楊時 隱居教授 號逸

平先生 從學者千餘人 著有五經講義等書 江山

縣志

又蘭溪人紹興十八年進士

馮輓 建炎二年進士

施樞 丹徒人寓居湖州嘉熙時嘗爲浙東轉運司

幕屬又爲越州府僚淳祐三年從事郎知溧陽縣

卷七十三

洪燾 字子公

吳公敏 案公敏詩採自劉後村千家詩疑是吳公懋之誤公懋字敏功福建莆田人登元豐年進

士官朝請大夫著有文集

莆田比事

馬子嚴

淳熙二年進士累官知岳州

宋伯仁

舉宏詞科歷監淮揚鹽課素有梅花癖闢

圃以栽築亭相對著梅花喜神譜嘉熙丁酉寓

京遭熱僑居西塍與高菊磻孫花翁施芸隱交

友酬唱

劉應子

江西廬陵人紹定元年解試

卷七十四

吳會

福州永福人隆興元年進士玉山丞

黃君瑞

名復圭字君瑞宋亡入元爲烈士

陳熙

開慶二年進士

作江西新奉人

江奎

泉州惠安人淳祐七年進士本州教授

鍾穎

字元達鎮江丹陽人將之子慶元二年進士

至順鎮江志

金人內犯豐有俊帥淮西薦其強敏廉

白時元達通判濠州主守修城練兵以待金人

至不得逞召起都堂已而知建昌軍以疾不能

赴

宋元學案

程登庸

名時登字登庸歙人遷樂平梅巖宋咸淳

乙亥登上庠舉於鄉八元不仕著有易學啟蒙

等書學者稱述翁先生

新安文獻志

董將

一作堦

嘉禾人重和元年進士

至元嘉禾志

知崑山

縣

姑蘇志

紹興間以左朝請大夫守眞州

萬姓統譜

林植

江蘇志誤作植

江蘇長洲人熙甯九年進士

雷震

四川眉州人紹定中進士

又江西南昌人咸淳元年進士

卷七十五

陳存

字體仁號本齋龍泉人占安吉州籍舉淳祐

進士寶祐五年以史館校勘召試除祕書著作

郎仍兼景獻府教授累遷兵部尙書端明殿大

學士知慶元府沿海制置使國亡歸苕以春秋

教授生徒元遣使七徵不起尋遘疾卻醫絕食

旬有四日卒

湖州府志

曹元發

字正己浙江瑞安人淳祐四年進士授宗

學博士景定二年兼史館校勘除祕書郎三年

知廣德軍厯官直徽猷閣

中興館閣續錄參溫州府志

咸淳

三年正月以朝請大夫大府少卿總領淮西軍

餉正年正月暫權鎮江府六月卽離任

至順鎮江志

咸淳六年浙江轉運判官七年升副使

咸淳臨安志

史唐卿

字景裴通判徽州

七

曹棐 江南江陰人嘉祐中進士

李敷 福州福清人皇祐元年進士終奉議郎

李邦美 名天才字邦美丹徒人

京口耆舊傳

張樞 字斗南西秦人循王之後善詞名于世子炎

能傳其家學

絕妙好詞又號寄閒

林次麟 浙江歸安人紹興二十一年進士淳熙閒

知貴州有政績

張偉 浙江嘉禾人紹興十八年進士

錢穎 善醫然嗜酒喜游一旦東之海上不反宋史

四百六十二附錢乙傳

家之異 四川眉州人寓居吳興第進士宋亡不仕

劉光 號曉窗歙人幼孤力學授徒五十餘年郡守

許楫深敬之請主鄉邑文學行省差充甯國路

學正不赴喜爲詩

新安文獻志

江石卿 名珂字石卿號巢枝書屋婺源旃坑州人

詩長於五古有古瓢詩九一卷

新安文獻志

王儀 號菴菴歙人元延祐甲寅鄉貢進士授本州

學正轉池州教授有集汪文節公序

新安文獻志

吳

禮部詩話但著其字不著里貫時代樊榭因而

誤收當刪

吳仁傑 鄱陽人淳祐四年進士

毛靜可 名直方字靜可建安人咸淳中預薦入元

授徒講學士爭趨之著有聊復軒稿嘗編詩集

羣玉府及詩學大成

萬姓統譜

卷七十九

黃誠性 名繼善字誠性江西南城人著史學提要

以四言韻語編貫諸史始上古終宋條理井井

甯都魏禧自廣陵携入江西見者驚歎以爲祕

本舊有程元海序今不傳

江西志

林昉 福州閩縣人淳熙十一年進士

又福州人嘉定十六年特奏名

卷八十

滕堦 宋亡不仕入元隱居教授以終

潘文虎 浙江永嘉人靖康年進士

呂同老 字和甫號紫雲

卷八十一

胡貫齋 名斗南字貫齋

黃超然 鄉貢進士精于易學所著有周易學義等

書元至治初卒諡康敏

宋元學案

鄭協 景定元年任廣東轉運使

徐直方

字立大廣信人號古爲先生初補迪功郎

咸淳三年進易解六卷後除正言官至江東憲

朱元
學案

唐涇

咸淳甲戌進士

卷八十二

葉輅

吳興人夢得之孫嘉泰時人

黃唐

字雍父長樂人上舍釋褐出身治易

中興館閣續錄

淳熙初爲太學學錄遷考功郎中時韓侂冑陳

請父諡唐覆議以不能得侂冑意力求去

要錄一百

四十九十二年二月除祕書郎十三年正月爲著

作佐郎十五年三月爲著作郎十六年八月知

南康軍

中興館閣續錄

況志甯

號康齋奉新人

謝孚

字允中建州建安人元符三年進士授眞州

司理參軍差蘄州州學教授祕書省校書郎比

部員外郎改吏部提舉京西常平入爲司封員

外郎蔡攸求貨不遂中以竇盟事貶監齊州孫

耿鎮酒稅除州運判宣和二年卒年五十四

胡寅

斐然集謝君墓誌

廖衡

性警敏絕人六歲能屬文年十三中鄉舉後

歷轉運判官

萬姓統譜

徐噩

字伯殊其先洪州人五世祖名申唐元和中

爲邕管經略遂家白州噩仁宗朝鄉舉攝宜州
討區希範有功授白州長史皇祐中儂智高叛
噩追至甬陽大捷戰於金城驛援兵不至而死
贈大理寺丞

廣西通志

呂江

字叔濟號四平京口人著有山中吟及蘇臺

百詠

詩苑眾芳

單錫

嘉祐二年進士明陰陽圖緯星歷之學蘇軾

愛其賢以女兄子妻之

萬姓統譜

累知江西德興縣

賈成之 乾道中橫州通判有吏材負氣不肯下人

父讜寶文閣學士

夷堅乙志

陸煥 福建侯官人政和二年進士紹興十八年以

朝奉大夫知興化軍

福建通志

朱應龍 江南上元人嘉定年進士

又江西樂安人淳祐十年進士

程驤 字師孟一字季龍徽州休甯人性極聰悟凡

諸經子史律歷之書一覽輒盡其義時元寇日迫驤慨然思爲國致力遂與諸義士日出習武事兼治七書端平三年勅充武學生尋陞上舍

開慶元年成進士授承務郎轉保義郎除權中
書舍人時賈似道誤國知事不可爲遂乞祠主
管建昌軍仙都觀於所居旁鑿池構亭榜曰林
泉風月日與名流吟嘯嘗書座右曰無毀之謂
譽無憂之謂樂無求於人之謂富無屈於人之
謂貴人以爲名言宋亡益屏跡自號松軒以見
志年七十三卒

新安文獻志

陳揆 紹興時人累官大監少卿王梅溪集唱和甚
多

袁植 字材老無錫人崇甯年進士詞學兼茂科爲

監察御史金人入寇陳邊防十三事以誅佞人
爲先不納引疾休致建炎召爲左司諫直言忤
宰臣黜守岳陽會虜騎大入叛臣李元文擁眾
怙亂植條奏其狀遂遇害元文誅贈直龍圖閣

萬姓統譜

陳願

一作願

字子愿仙居人乾道五年進士終承議

郎以三品服致仕事見朱文公所贈詩

赤城志

劉珍

一作瑛

江西南豐人紹興二年解試侍郎張淵

微薦爲國史院校勘時七十餘矣旣入館分校

列傳未上而卒

江西志

張理

清江人寶慶二年提舉福建常平

福建通志



陶崇

字宗山廣西陽朔人嘉泰二年進士歷仕兩

廣召試館職慕柳子厚爲文嘗撰宋饒歌曲及
楚辭七敘進於朝理宗在潛邸崇爲講讀官卽
位召爲著作作郎上保業慎獨謹微持久四事帝
嘉納因輪對陳郡縣厚民生深士氣之論忤時
相出知信州官至中大夫右文殿修撰崇政殿
說書兼侍講寶謨閣學士清湘縣開國子
參蔣冕陶
澈齋墓辨

朱子恭

淳祐末知廣州

廣西通志

裴迪

字昇之河東聞喜人見五代史四十三雜傳

鄭國華

名廷芬字國華福建莆田人大觀年進士

著有易索隱等書

莆田比事

何志熙

一作熙志

四川嘉州人紹興八年進士

一作龍游人

晁公武薦爲臺屬除御史臺檢法誥詞有蜀士

秀之語

萬姓統譜

霍權

江南武進人淳熙年進士

吳致堯

字恪文一字聖任福建劔浦人政和二年

進士歷湖南營道主簿潭州安化令工詩尤以

集句擅長嘗作調官十章達于禁中

福建通志

徐師仁

字從聖莆田人大觀三年進士授泉州司

法召爲祕書郎除國史院檢討遷著作佐郎得

讀所未見書文益追古作者

八閩通志

楊詢

浙江歸安人元豐五年進士

王申

福建莆田人慶元二年特奏名迪功郎監南

嶽廟又尤溪人嘉定四年進士

蕭磬

輿地紀勝引此詩作磬

字安國福建閩清人紹聖元年

進士宣和間知梧州管句廣南西路學事兼管

勸農公事提舉錢鹽百廢俱舉暇引諸儒飲射

讀法有古循吏風以引年賜紫金魚袋

八閩通志

張仁

浙江龍泉人崇甯二年進士權太子侍讀

蘇莊

宣和二年兩浙轉運使

臨安志

王清叔

名卿月字清叔號星齋又號星菴臨海人

一作開封人

乾道五年進士工畫官至大府卿

赤城志

汪起莘

黃山詩見汪莘方壺存稿起字衍汪莘見

六十二卷誤爲二

陳覲

浙江西安人紹興三十年進士

趙璩

字潤夫初名伯玖藝祖七世孫生而聰慧母

吳才人賜名璩除和州防禦使時生七歲紹興

十五年加檢校少保進封恩平郡王出就外第
孝宗朝授少保改靜江軍節度累章乞閑改醴
泉觀使淳熙中除少傅踰年而薨年五十九追
封信王累贈太保太師宋史二百四十六有傳
顏員嶠、名顯仲字景正自號員嶠漳州龍溪人以
祖寶遺澤授通直郎歷甯化尉調衡山縣通判
臨安府知嚴州入爲司農丞除直祕閣兩浙運
判戶部侍郎兼知臨安府嘉熙元年奉祠淳祐
元年知泉州移知温州慶元府十二年除戶部
侍郎知臨安府擢吏部尙書寶章閣學士提舉

玉隆觀景定壬戌卒見劉後村大全集一百四

十三

程炎 四川眉州人嘉泰二年進士

呂絃

福建志誤作竝

泉州晉江人乾道二年特奏名

黃彥輝

字如晦福建莆田人弱冠有文名以伯祖

隱名在黨籍錮不得試會星變黨禁解始貢太

學宣和三年進士調晉江主簿累官羅源晉江

同安知縣通判潮州未赴卒贈大中大夫

八閩通志

卷之五

趙希混

四川資州人慶元二年進士

四川通志

趙時煥 初名時敏字克勤以舊字行號恥齋嘉定

庚辰進士歷著作佐郎都官吏部員外郎知撫
州端州廣西提刑著有恥齋稿詩尤精詣見後
村大全集

卷九十

陳良孫 南渠人童年得道隱居杭吳山修煉成丹

獨喜天柱每與幽人韻士往來其間常離地三
尺懸虛而卧因號寢虛先生窮冬積雪浴溪澗

中略無寒色

洞霄圖志

王思明 臨安人爲王冲素弟子性嗜書編錄滿案

餘閑寄興風雅與龔冲妙章清隱潘怡雲結山
中吟社當世重之甯宗慶元間賜純素大師同
領宮事陸放翁喜與交爲撰洞霄宮碑年七十
餘卒有竹菴詩稿樓真洞神光記

同上

貝守一

餘杭人通經史靈一先生剡洞晨觀命開

山領袖齋道員千人雲會之盛爲茗邑冠未幾
勾閑築居避喧丈室後久之遷九鎖外山菴吟
詠自適有月溪稿鏤板行世畜海上奇方施藥
十餘年不倦自洞晨退席散衣鉢遺諸徒及親
識唯存布衲二廿餘年不改操元至元戊寅序

升主席授凝真抱素大師年八十二無疾而化

同上

朱真靜

字復常臨安人自幼好學丹經元文一覽

輒通其意嘗出游經宿忘返諸徒方驚憂忽歸

云吾游大滌洞遇道人碧巾黃衣携至馴虎巖

下坐語移時而已不謂經宿也清祐癸卯夏語

諸徒曰吾卜中元別此山矣及期趺坐而化膚

瑩眼碧不異生時理宗聞之哀悼賜宸翰特贈

妙行先生

同上

龔大明

字若晦仁和人七歲讀書一再過輒成誦

其家與洞霄胡先生志行族相鄰先生省親奇之引歸度爲弟子弱冠遇異人得修煉旨神采秀發積三十年升山中主席力辭弗獲強強應緣者四十年以吟詠自適有南軒稿甯宗聞其名召至禁中召歸上賜紫衣賜號冲妙大師遺金帛甚厚還山建法堂復賜書演教堂匾嘉熙丁酉秋語其徒曰吾住山緣事畢矣遂掩關不問世事明年仲春扶杖出山徧詣親舊若告別歸經夕而逝容貌如生壽七十有一上

徐冲淵

誤作仲淵

字叔靜姑蘇人自號栖霞子嘗浪迹

江湖閒癡熙中被召居太一宮高士齋已而奉
詔典洞霄通明館久之會孝宗居重華宮召寅
佑聖觀凝神齋豫章玉隆觀主席方虛高士榭
守贛薦于郡具禮走京師迎之居歲餘假化有
經進西游記

同上

卷九十一

仲殊

自署太平閒人

雲煙過
眼錄

卷九十二

法平

字元衡嘉禾人居天童寺號平書記工文能

詩孫觀朱希真皆許可住象山延壽院號怡雲

野人陸放翁有寄怡雲詩著有語錄詩集寶慶四明志

蘊常

有荷屋集

天台集

卷九十三

道全

字大同

天台集

道舉

字季若

天台集

卷九十六

葛通議

名密嘉祐進士承議郎知泉州清溪縣請

老賜五品服自號草堂逸老

輿地紀勝

贈通議大夫

丹陽集清

葛密見卷十三此分一而二

孝墓誌

洪皓父

名彥先官通直郎贈太師秦國公

洪适盤洲集

樵 陳樵長樂人慶元二年進士

又福州人紹熙二年進士

補遺

卷六十三

上官良史 邵武人

嚴仁 著有清江欸乃集

嚴肅 邵武人

卷七十一

李杜 字元白邵武人號棗坡居士與劉後村唱和

邵武府志

卷八十三

范西堂

名應銓字旂叟號西堂江西豐城人開禧

元年進士累官宣教郎知崇仁縣人稱其經術似倪寬決獄如雋不疑治民如龔遂風采似范

滂嘗建歐陽澈祠于學

撫州府志

歷撫州通判廣西

提刑江西提舉終于直煥章閣大理少卿

江西通志

著有西堂雜箸四十卷對越集四十九卷宋史四百十有傳

男

樹藩校字